

氏族典第三百七十卷

鹽姓部彙考

鄭樵通志 平聲

鹽氏見姓苑望出北海

鹽姓部列傳

漢 鹽津

按魯國先賢傳漢北海相鹽津

閻姓部彙考

唐書 宰相世系表

閻氏出自姬姓周武王封太伯曾孫仲奕於閻鄉因以爲氏又云康王少子生而手文曰閻康王封於閻城又云唐叔虞之後晉成公子懿食采於閻邑晉滅子孫散處河洛前漢末居滎陽尙書閻章生暢侍中封宜春侯三子顯景晏顯車騎將軍長社侯顯生穆避難徙於巴西之安漢顯孫甫魏武

帝封爲平樂鄉侯復居河南新安生牂柯太守璞璞生晉殿中將軍漢中太守讚讚生遼西太守亨亨生北平太守安成亭侯鼎字玉鉉死劉聰之難子昌奔於代王猗盧遂居馬邑孫滿後魏諸曹大夫自馬邑又徙河南孫善龍驤將軍雲中鎮將因居雲州盛樂生車騎將軍燉煌鎮都大將提提生盛樂郡守進進少子慶字仁度後周小司空上柱國石保成公賜姓大野至隋復舊生毗 閻氏宰相一人立本

鄭樵通志 以鄉爲氏

閻氏姬姓武王封太伯曾孫仲奕於閻鄉因以爲氏又云昭王少子生而有文在其手曰閻康王封於閻城又云唐叔虞之後晉成公子懿食采於閻晉滅之子孫散處河洛然太伯無後武王克商求仲雍之孫叔達之子周章封於吳爲太伯後周章之弟曰虞仲封於虞爲仲雍後未聞仲奕者也有文在手之言多爲迂誕晉有閻沒齊有閻職又有雲中族後周賜姓大野氏隋復舊望出樂安

廖用賢尙友錄 閻姓

閻太原宮音

閻姓部列傳

周 閻敖

按左傳莊公十八年初楚武王克權使鬬縉尹之以叛圍而殺之遷權于那處使閻敖尹之及文王卽位與巴人伐申而驚其師巴人叛楚而伐那處取之遂門于楚閻敖游涌而逸楚子殺之

閻嘉

按左傳昭公九年周甘人與晉閻嘉爭閻田晉梁丙張趯率陰戎伐潁

閻沒

按左傳昭公二十八年冬梗陽人有獄魏戊不能斷以獄上其大宗賂以女樂魏子將受之魏戊謂閻沒女寬曰主以不賄聞于諸侯若受梗陽人賄莫甚焉吾子必諫皆許諾退朝待于庭饋入召之比置三歎旣食使坐魏子曰吾聞諸伯叔諺曰唯食忘憂吾子置食之間三歎何也同辭而對曰或賜二小人酒不夕食饋之始至恐其不足是以歎中置自咎曰豈將軍食之而有不足是以再歎及饋之畢願以小人之腹爲君子之心屬厭而已獻子辭梗陽人

閻職 閻渠

按鄭樵通志齊有閻職 按萬姓統譜渠秦人

漢 閻澤赤 閻無害 閻續

按漢書功臣侯表澤赤以執盾初起從入漢爲河上守遷爲殷相擊項籍六年封敬市侯三年薨

按漢書功臣侯表九年敬市夷侯無害嗣三十八年薨 按漢書功臣侯表孝文後四年敬市戴

侯續嗣八年薨

閻穀 閻章世 閻遷 閻未央

按漢書功臣侯表孝景五年敬市侯穀嗣四十年元鼎五年坐酎金免 按漢書功臣侯表元康

四年敬市侯澤赤元孫之子長安上造章世詔復家 按漢書恩澤侯表遷以鴻臚與陳崇等八

人使行風俗齊同萬國元始五年封望鄉侯 按萬姓統譜未央漢人

閻敞

按尚友錄敞字子張爲郡五官掾太守第五嘗被徵以俸錢百三十萬寄敞敞埋置堂上後嘗舉家

病死惟餘孤孫九歲嘗未死間曾說有錢三十萬寄敝及孫長大求敝敝見之悲喜不勝卽取錢還孫孫曰祖惟言三十萬無百三十萬敝曰府君病困謬言耳耶君弗疑

魏 閻溫

按魏志閻溫傳溫字伯儉天水西城人也以涼州別駕守上邽令馬超走奔上邽郡人任養等舉衆迎之溫止之不能禁乃趨還州超復圍州所治冀城甚急州乃遣溫告急於夏侯淵夜從水中潛出明日賊見其迹追遮之得溫執詣超超謂曰足下爲孤城請救而執於人手義何所施若從吾言反謂城中東方無救此轉禍爲福之計也不然今爲戮矣溫僞許之超乃載溫詣城下溫向城人呼曰大軍不過三日至勉之城中皆泣稱萬歲超怒遂殺之

閻圃 閻憲

按晉書閻續傳續祖圃爲張魯功曹勸魯降魏封平樂鄉侯

按萬姓統譜憲爲綿竹令邑人有

夜行得遺錦者平明送縣憲曰夜行得錦是天賜也對曰縣有明府犯此則慙人歌之曰閻君賦政

明且和

吳 閻璞

按晉書閻續傳續父璞仕吳至牂牁太守

晉 閻續

按晉書閻續傳續字續伯巴西安漢人也僑居河南新安爲太傅楊駿舍人轉安復令駿之誅也續棄官歸要駿故主簿潘岳掾崔基等共葬之基岳畏罪推續爲主墓成當葬駿從弟模告武陵王澹將表殺造意者衆咸懼填塚而逃續獨以家財成墓葬駿而去河間王顥引爲西戎校尉司馬有功封平樂鄉侯愍懷太子之廢也續輿棺詣闕上書理太子之冤不省及張華遇害賈謐被誅朝野震悚續獨撫華尸慟哭曰早語君遜位而不肯今果不免命也夫過叱賈謐尸曰小兒亂國之由誅其晚矣皇太孫立續復上疏朝廷善其忠烈擢爲漢中太守趙王倫死旣葬續以車轝其塚時張華兄子景後徙漢中續又表宜還續不護細行而慷慨好大節卒於官

閻鼎

按晉書閻鼎傳鼎字台臣天水人也初爲太傅東海王越叅軍轉卷令行豫州刺史事屯許昌遭母

喪乃於密縣閒鳩聚西州流人數千欲還鄉里值京師失守秦王出奔密鼎乃與撫軍長史王毗司馬傅遜懷翼戴秦王之計雍州刺史賈疋遣人奉迎秦王至長安而與京兆尹梁綜等同心推戴立王爲皇太子以鼎爲太子詹事總攝百揆梁綜與鼎爭權鼎殺綜以王毗爲京兆尹鼎首建大謀立功天下始平太守麴允撫夷護軍索綝並害其功且欲專權馮翊太守梁緯北地太守梁肅並綝母弟綝之姻也謀欲除鼎乃證其有無君之心專戮大臣請討之遂攻鼎鼎出奔雍爲氏竇首所殺

閻亨

按晉書閻續傳續子亨爲遼西太守不得之官依青州刺史荀晞數切諫爲晞所害

閻彧

按蜀錄彧天水人也李特初起兵數使彧至羅尚求寬流民限期乃版爲始昌令及特承制任爲謀主雄卽位累遷尚書令時建國草創素無法紀諸將恃恩各爭班位彧上疏請立制度以爲楷式雄從之其後去雄依太尉離於梓潼部人司琦張金苟等叛殺離彧亦被害雄甚悼之

閻曾

按萬姓統譜曾武陵人避地涼州州牧張茂專伯隴右築靈鈞臺人苦其役曾夜扣門諫之遂罷役涼人大悅

北魏 閻元明

按魏書閻元明傳元明河東安邑人也少而至孝行著鄉閭太和五年除北隨郡太守元明以違離親養興言悲慕母亦慙念泣淚喪明元明悲號上訴許歸奉養一見其母母目便開刺史呂壽恩列狀上聞詔下州郡表爲孝門復其租調兵役令終母年母亾服終心喪積載每亾日悲動傍鄰昆弟雍和尊卑諧穆安貧樂道白首同歸

閻汪 閻慶引

按魏書裴叔業傳天水閻慶引父汪叅薛安都平北將軍事安都入國聽汪還南 按魏書閻慶引傳慶引不知何許人爲東秦州敷城太守在政五年清勤厲俗頻年饑饉慶引歲常以家粟千石賑恤貧窮民賴以濟

北周 閻慶

按周書閭慶傳慶字仁慶河南河陰人也曾祖善仕魏雲州鎮將因家於雲州之盛樂郡祖提燉煌鎮都大將父進盛樂郡守慶幼聰敏重然諾風儀端肅望之儼然及衛可孤侵逼盛樂慶隨父固守頗有力焉拜別將後以軍功拜步兵校尉齊神武舉兵入洛魏孝武西遷慶遂以大統三年自宜陽歸闕拜奉車都尉河橋之役以功拜太中大夫封安次縣子及邙山之戰先登陷陳進爵爲伯累遷雲州大中正賜姓大野氏孝閔帝踐祚出爲河州刺史進爵石保縣公就拜大將軍進爵大安郡公入爲小司空除雲州刺史轉寧州刺史慶性寬和不苛察百姓悅之天和六年進位柱國晉公護母慶之姑也護雖擅朝而慶未嘗阿附高祖重之乃詔慶子毗尙帝女清都公主建德二年抗表致仕開皇二年薨諡曰成長子常先慶卒次子稚嗣大象末位至大將軍

隋 閭毗

按隋書閭毗傳毗榆林盛樂人也祖進魏本郡太守父慶周上柱國寧州總管毗襲爵石保縣公儀貌矜嚴頗好經史能篆書工草隸尤善畫爲當時之妙周武帝見而悅之命尙清都公主宣帝卽位拜儀同三司授千牛左右高祖受禪以技藝侍東宮甚見親待及太子廢毗坐杖一百與妻子俱配

爲官奴婢後二歲放免爲民煬帝嗣位授朝請郎擢拜起部郎轉殿內丞以母憂去職未朞起令視事及征遼東以本官領武賁郎將典宿衛時衆軍圍遼東城帝令毗詣城下宣諭賊弓弩亂發所乘馬中流矢毗顏色不變辭氣抑揚卒事而去尋拜朝請大夫遷殿內少監又領將作少監事後復從帝征遼東會楊元感作逆帝班師後至高陽暴卒

唐 閻立德

按唐書閻立德傳讓字立德以字行京兆萬年人父毗爲隋殿內少監本以工藝進故立德與弟立本皆機巧有思武德初爲秦王府士曹參軍從平京都遷尙衣奉御貞觀初歷將作少匠大安縣男拜大匠坐弛職免起爲博州刺史坐免官未幾復爲大匠擢工部尙書帝崩復攝司空典陵事以勞進爵大安縣公永徽五年高宗幸萬年宮留守京師卒諡曰康

閻立本

按唐書閻立德傳立德弟立本顯慶中以將作大匠代立德爲工部尙書總章元年以司平太常伯拜右相博陵縣男以畫見名咸亨元年官復舊名改中書令卒諡曰文貞

閻朝隱

按唐書李適傳閻朝隱字友倩趙州樂城人少與兄鏡幾弟仙舟皆著名連中進士孝悌廉讓科補陽武尉中宗爲太子朝隱以舍人幸性滑稽屬辭奇詭爲武后所賞累遷給事中景龍初遷著作郎先天中爲祕書少監坐事貶通州別駕卒

閻知微

按唐書閻立德傳立德孫知微聖曆初爲豹韜衛將軍武后時突厥默啜請和親后遣知微持金帛護送武延秀聘其女默啜怒非天子子囚延秀挾知微入寇朝廷以知微賣國夷其族知微不知逃還武后業已然乃曰惡臣疾子賜百官甘心焉於是骨斷鬻分非要職者不能得子則先以武三思壻免死

閻伯璵

按唐書王勃傳天寶中起居舍人閻伯璵上表以唐承漢黜隋以前帝王廢介鄙公尊周漢爲二王後以商爲三恪楊國忠爲右相復用魏爲三恪周隋爲二王後鄙介二公復舊封貶伯璵涪川尉

閻知言 閻士和 閻用之

按萬姓統譜知言天寶二年任湖州刺史

按唐書蕭穎士傳柳并與劉太真尹徵閻士和受業

于穎士士和字伯均著蘭陵先生誄蕭夫子集論

按唐書閻立德傳立德曾孫用之初爲彭州

叅軍累遷右衛郎將天寶中女爲義王玘妃終左金吾將軍

閻瑜 閻濟美 閻防

按萬姓統譜瑜廣德末袁州刺史當兵革後專務德化招集叛亡四民復業及改撫州袁民蟻從吏

莫能止

按唐書盧坦傳閻濟美者第進士有長者名貞元末繇婺州刺史爲福建觀察使徙浙

西爲治簡易居鎮未嘗增常賦爲華州刺史入爲祕書監以工部尙書致仕卒諡曰溫

按萬姓

統譜防詩人見河岳英靈集

後唐 閻寶

按五代史閻寶傳寶字瓊美鄆州人也少爲朱瑾牙將瑾走淮南寶降於梁末帝時以爲保義軍節

度使貞明三年賀德倫降晉晉軍攻下洛磁相衛移兵圍邢州末帝遣張溫救寶溫降晉晉遣溫招

寶寶遂降晉晉王拜寶檢校太尉同中書門下平章事十八年晉軍討張文禮於鎮州以寶爲招討使明年寶戰敗退保趙州慙憤發疽卒

宋 閻承翰

按宋史閻承翰傳承翰真定人周顯德中爲內侍入宋事太祖以謹愿稱太宗時擢爲殿頭高品遷內殿崇班李順亂蜀命爲川峽招安都監賊平授西京作坊副使充金吾都監真宗卽位改西京作坊使內侍左班副都知景德二年領廉州刺史大中祥符初改西京左藏庫使四年遷內園使領獎州團練使七年建應天府爲南京作鴻慶宮設太祖太宗像遣承翰自京奉往授南作坊使入內都知未幾卒承翰性剛彊所至過於檢察乏和懿之譽子文應西京左藏庫使

閻選

按十國春秋後蜀閻選故布衣也酷善小詞有臨江仙詞云畫簾深殿香霧冷風殘又云猿啼明月照空灘時人目爲閻處士

閻日新

按宋史閻日新傳日新宿州臨渙人少爲本州牙職補三司使役吏淳化中選隸壽王府主邸中記簿眞宗卽位擢爲供奉官提點雄霸靜戎軍權場咸平元年遷內殿崇班永興軍駐泊都監徙劍門關景德初命管勾邠寧環州駐泊兵馬俄知涇州移慶州就轉供備庫使知環州大中祥符初改文思使拜坊州刺史知渭州改知同州明年徙知徐州代還改昭州團練使知單州疾甚許還京師天禧初卒

閻守恭

按宋史閻守恭傳守恭并州榆次人父榮僦儻有志略劉繼元欲召至帳下辭以母老不就守恭生而體貌奇偉劉氏平徙太原民於大名府因家焉隸拱聖軍擢殿前押班咸平中從幸河北以功爲捧日副指揮使累遷乾州刺史明道中落軍職以德州刺史爲永興軍兵馬鈐轄徙并代路守恭性沉勇御軍嚴雖家居如對賓客所得奉祿悉散予人在并州因春社會賓客與訣後十日卒

閻文顯

按宋史馮文智傳咸平中有軍士嘗中流矢自頰貫耳衆醫不能取醫官閻文顯以藥傅之信宿而

鑄出上嘉其能命賜緋

閻文應

按宋史閻文應傳文應開封人給事掖庭積遷至入內副都知仁宗初親政與宰相呂夷簡謀以張耒夏竦陳堯佐范雍趙鼎殊錢惟演皆章獻后所任用悉罷之退以語郭后后曰夷簡獨不附太后邪由是并夷簡罷夷簡素與文應相結使爲中訶久之乃知事由郭后夷簡遂怨后及再相楊尙二美人方寵尙美人於仁宗前有語侵后后不勝忿批其頰仁宗自起救之誤中其頸仁宗大怒文應乘隙遂與謀廢后爲淨妃旣而仁宗悔廢郭氏有復后之意文應大懼會有小疾挾太醫診視數日乃言后暴崩實文應爲之也累至昭宣使恩州團練使時諫官劾其罪議并其子士良出之以文應爲秦州鈐轄改鄆州士良罷御藥院爲內殿崇班文應後徙相州鈐轄卒

閻詢

按宋史閻詢傳詢字議道鳳翔天興人少時以學問著聞擢進士第又中書判拔萃科累進集賢殿修撰知河中府拜天章閣待制知廣州不卽赴罷職知商州神宗時轉右諫議大夫改邠同二州提

舉上清太平宮卒

閻進

按宋史閻進傳進隸宣武建炎初遣使通問進從行既至雲中府金人拘留使者散處之進亡去追還留守高慶裔問何爲亡進曰思大宋爾又問郎主待汝有恩汝亡何故進曰錦衣玉食亦不戀也慶裔義而釋之凡三亡乃見殺

閻彥昭

按江寧縣志彥昭字德甫世家建康之江寧徙居溧陽性敏悟善治繁劇輕財尚義自浙西帥司機宜監六部門遷太府寺丞除倉部郎奉使淮東叅議浙東江西帥幕除兩浙運判奉祠乾道九年卒年七十九官至右奉直大夫子晃晁晟晃子一德歷江陰建昌二軍及泰真二州太守累官宗正寺簿

閻蒼舒

閻一德

按夔州府志蒼舒字惠夫紹興中壬子朋榜進士第二名

按萬姓統譜一德嘉定初以朝請郎